

Studentenraad di Universidad di Aruba a bishita Gobernador

ORANJESTAD – Recientemente Studentenraad di Universidad di Aruba (SUA) a bishita Gobernador esta su excelencia Fredis Refunjol conhuntamente cu dos miembro di su directiva.

Presidente di SUA, esta Bryan Vieira, a trece e vision y mision di SUA dilanti, manera nan a wordo presenta durante e Ceremonia di Instalacion na 20 di februari 2015. Tambe e directiva di SUA a trece algun preocupacionnan dilanti tocante e situacion financiero di Aruba y e consecucionnan pa Universidad di Aruba y su studiantenan.



Sr. Vieira ta conta Bon Dia Aruba cu topiconan cu wordo debati ta e prestamo di studio, e prijs di universidad y un debate educacional.

Directiva

Aparte di Sr. Vieira e directiva actual ta consisti tambe di Chris Habibe kende Vice Presidente y tesorero.

Gisele-Mireille Sint Jago kende ta secretaria, Daniela Piazza y Tian Xie, cu ta haci relacionnan publico y Yanelis Jimenez kende ta consehero di maneho. Despues di e reunion henter e directiva a

sinti cu nan ta riba e bon caminda y nan a keda inspira pa cu e siguiente pasonan cu nan lo mester tuma pa por representa e derechonan di e studiantenan di Universidad di Aruba mas miho posibel. □

